



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Haymo-//nis Episcopi Hal-//berstattensis De
Chri//stianarum rerum memoria li-//bri decem**

Haimo <Halberstadensis>

Coloniae, 1531

VD16 H 224

De diuersis h[a]eresib[us], diuersoru[m] h[a]reticoru[m]. Ca. VIII.

urn:nbn:de:hbz:466:1-29805

RERVM MEMO. LIB. V.

ANTONINVS REGNAVIT

xix. annis. Cap. VIII.

Tnterea moritur Antoninus, Commodus succedit imperio. Tunc Julianus apud Alexandriam suscepit sacerdotium. Tunc Pantænus Stoicus ibidem ecclesiastice scholæ rector in disputatione dogmatis nostri disertissimus habetur. Qui fidei calore succensus, usq; ad Indiam citeriorem prædicat verbum dei. In cuius diuinæ eruditio[n]is schola Clemens Alexandrinus maxime effloruit. Tunc Narcissus præsidens ecclesiæ Hierosolymorū celebris habetur, præclarus fide & opere signorum. De quo fertur inter vniuersa eius miracula, quod miro & inaudito genere virtutis aquam in oleum cōuertit, quādo forte in solenni die vigiliarum Paschæ oleum decesset luminaribus. Per idem tempus hostis generis humani nihil vñquā otij gerens, diuersas & varias hæreses per singula quæq; loca suscitat, in quibus maximum sui generis serpenterum apud Asiam, Phrygiamq; producit, Mōtanum. Qui se paracletum nominat, & mulieres quasdā secū, Maximillam scilicet & Priscam, prophetissas esse velut ex sua inspiratione confingit. Hic impie docet nuptias solui, & ieuniorum leges primus imponit. Hic Pepusam & Thymium oppida Phrygiæ Hierusalem appellat, atq; in hæc omnes congregandos decernit. Hic exactores pecuniae statuit, & sub nomine oblati onum, munera artificiosius accipit. Hic salario præstat prædicantibus verbum suum, vt per hoc vinciti enixius eius doctrinæ præbeant operam. Sed tradit, quod tandem ipse & mulieres suæ, ipso dēmone quo

D

HAYMO DE CHRISTIA.

Inspirabantur agente, diuersis temporibus laqueo vi tam finierunt, exemplo Iudee proditoris. Sub hoc tempore etiam in vrbe Roma, regula ecclesiasticae traditionis vexatur per Blastum & Florinum schismaticos. Sed fuere tunc per dei gratia viri fidei & virtutis, qui tam predictas hereses quam schismaticos destruxere, scribentes aduersus haec libros vel epistolas, ut Irenaeus, Melitides, Serapios, Apollonius, & Apollinaris, & multi alii.

QVAESTIO oborta de Paschali tempore. Caput IX.

In terra præsidentibus ecclesiæ egregijs sacerdotibus sub principe Cōmodo, Victor apud Romā, Demetrio apud Alexandriā, Serapione apud Antiochiā, apud Cæsareā Palestinae Theophilo, & Narciso Hierosolymis, apud Ephesum vero Policrate, q̄stio nō minima exoritur in prouincijs Asiæ, veluti ex antiqua eorum obseruatione descēdens, qđ quartadecima luna putarent omni tpe Pascha obseruandū, quando scilicet Iudeis præcipit agnus immolari, velut necessario cōfirmantes in quacunq; die septimanæ xiiij. luna venisset, solui debere ieiumium, cum talis consuetudo in alijs prouinciis nunq; obseruata fuisset vel ecclesiis. Ob quam causam cōuentus episcoporum & concilia cōuocantur, tam apud Cæsariam Palestinae, quam apud Romā, altercantibns Victore Romano pōtifice, certisq; occidētibus, quođ nō liceat aliquādo, nisi in die dñica, in qua dñs surrexit, dominicū Paschæ celebrare mysteriū, & in hac sola soluendum esse ieiumium.